



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Quæstio XIX. In Tit. XIX. De Obligatis Ad Ratiocinia, Ordinandis, Vel Non.

[urn:nbn:de:hbz:466:1-73031](#)

tutem, peculium tamen, si quod habet, amittit, cit. c. ex antiquis 9. Abbas in c. 2. h. t. nu. 1. cæterum Deo servit in spirituibus Ministerijs, c. 10. dist. 54.

2233.

Not. 2. servum, ut dictum, Domino redditum, manere privatum usu ordinum, & amittere privilegium fori c. Ex antiquis junct. gloss. V. Religioso privilegio; nec habitum, nec tonsuram deferre posse; quia manet in statu servi; Toletus in Summa l. 1. c. 59. nu. 10. retinere tamen privilegium Canonis, gloss. in cap. 2. dist. 54. V. reciderit; dist. cit. ibi: ejus conditionis sit, cuius fuerat ante gradum.

Not. 3. similiter etiam prohiberi, ordinari ob defectum plenæ libertatis libertos, seu libertinos, nisi à Patronis fuerint direc-tè, & sine retentione obsequij temporalis manumissi c. 5. & c. fin. dist. 54. quod etiam dicendum est de servis originarj, vel adscirptijs (Leibatignen) si Dominis suis personaliter obligati sint, cap. 21. dist. 54. V. Laymon. l. 1. tr. 5. p. 5. c. 8.

ARTICULUS II.

De Manumissione Servorum.

2234.

A Gimis hic de manumissione servorum non universim; sed quantum requiritur ad Ordines recipiendos; cum servi non possint licite ordinari. Hinc omissi varijs manumissionis formulis apud Romanos usitatis; ac iis etiam, quibus olim in Ecclesia, juxta c. 1. h. t. servi manumitti solebant (de quibus videri potest Gonzalez in cit. c. 2. à nu. 2.) notandum in hac quæstione libertinitatis, & ingenuitatis jura ab usu recessisse, & solam manumittentis voluntatem attendi. Un-

de libertas locò ingenuitatis, hoc loco, sufficit, ut rectè notat Gonzalez cit. nu. 6. Quare:

Ut Servus, in præsenti quæstione, censematur manumissus, & libertate (quæ requiritur ad recipiendos Ordines) potiatur, sufficit, si Dominus servo det licentiam, suscipiendi Ordines, licet sibi reservet operas ejus spirituales; & tali casu, si servus in illis præstandis foret contumax, deponendus esset, c. 4. h. t. ibi: si quis de servis suis quemquam donaverit libertate, & ipsum in Presbyterum fecerit ordinari, ille autem postea in superbiam elatus, Domino suo horas Canonicas psallere noluerit; accusatus apud Episcopum, qui ordinaverit eum, degradetur; idem sufficit, si Ecclesia, habens servum, ei det licentiam recipiendi Ordines, licet sibi reservet jus, vendicandi sibi post obitum ejus, quidquid acquisivit c. 3. h. t. ibi: de famulis Ecclesia constituere Presbyteros, & Diaconos per paræcias liceat, ita tamen, ut antea manumissi statum recipient libertatis. Quicquid autem talibus extiterit debitum, aut quolibet modo collatum eis in personas extraneas transmittere non licet; sed omnia ad ius Ecclesiæ, à qua manumissi sunt, post eorum obitum, debeant pertinere. Quibus (sicut ceteris Ecclesiæ libertis) accusandi, vel testificandi adversus Ecclesiam, aditus præcludatur: ad quod si aspiraverint, non solum libertatis beneficio careant, sed etiam honoris gradu, quem non dignitate naturæ, sed necessitate temporis promeruerunt; aut, si eadem concedat servo suo facultatem Ordinum, ea lege, ut Ecclesiæ ipsi hanc licentiam danti perpetuo serviat in Divinis Officijs c. 6. h. t.

QUÆSTIO XIX.

IN TIT. XIX. DE OBLIGATIS AD RATIOCINIA, ORDINANDIS, VEL NON.

2236.

Præter illegitimos, & servilis conditionis homines, ab Ordine Ecclesiastico secluduntur etiam, qui propter aliena negotia, quæ gesserunt, rationibus redendis sunt obnoxij; puta procuratores, quæstores, tutores, & curatores pupillorum; ne scilicet, si illis obserati maneant, competenti Laicorum foro, per transitum

ad statum Clericalem subtrahantur, vel cum dedecore statutus Clericalis negotijs singularibus implicentur, ut constat ex h. t. c. unic.

Not. autem 1. hoc impedimentum cessare, ubi à talibus ratiocinijs liberati fuerint, ut habetur cit. c. unic. intellige, si ab officio, & obligatione rationum de Offi-

Officio: si autem manet obligatio officij, seu tractandi similia negotia, esto cesset obligatio reddendi rationes administratio-
nis; vel econtra, manet impedimentum. Quamvis aliqui limitent ad sola ratiocinia Curialium, seu publica, quorum expresse meminit textus; licet probabilius Pirbing judicet, limitationem non habere locum, ut colligitur ex cit.c.unico. ibi: *si enim, ante libertatem, negotiorum, vel officiorum fuerint ordinati, Ecclesia infamatur.*

Excipe tamen, si rationibus obnoxius, non sit amplius solvendo; tunc deposito officio non est excludendus ab ordinibus ex illo titulo; Suarez D. 51. de Censur. S. 3. n. 23. vel nisi praestiterit fidejusfores Barbos. in c. 1. h. t. n. 6.

Not. 2. per obligatos ad ratiocinia, quos durante tali obligatione juxta cit. c. unic. h. t. dicimus exclusos a recipiendis ordinibus, etiam intelligi obligatos militiae, c. unic. dist. 53. secundo obligatos ad feudum, exigens personale obsequium praestandum Domino directo; sic Sylvester in Summa V. feudum q. 8. tertio conductores rectigalium, fisci, agrorum calendorum &c. c. 1. & 3. 21. q. 3. c. 1. & 2. ne Clerici vel Monachi.

Not. 3. excipi 1. administratores bonorum Ecclesiasticorum, vel causae piæ tam publicæ, quam privatæ; secundò defensores personarum miserabilium, seu in-

defensarum, ut orphanorum, pauperum, c. 1. 21. q. 3. & gloss. in cit. c. unic. V. Ratiocinia h. t. tertio, tutores legitimos, c. ult. dist. 86. Ex hoc igitur c. unico, hæc deducitur conclusio juxta dicta, *Ratiocinijs obligatos, ad sacros Ordines admitti non posse, nisi onere deposito & redditis rationibus, id, quod etiam habetur c. illud, dist. 23. c. Precipimus, dist. 34. c. Præterea, dist. 51. & passim alibi.* Varias hujus prohibitionis rationes afferunt Authors, videndas apud Gonzalez ad cit. c. Unicum à n. 7. qui veram rationem esse censet, ne infametur Ecclesia, quod insinuat textus, ibi: *si enim, ante libertatem, negotiorum, vel officiorum fuerint ordinati, Ecclesia infamatur.*

Est autem discrimen constituendum inter tutores Ecclesie, & miserabilium personarum, ac inter tutores testamentarios, & legitimos. Nam primi ordinari possunt, non tantum, dum actu tutores, & procuratores Ecclesiarum, & miserabilium personarum sunt; sed etiam postquam ordinati existunt; non autem secundi, per c. fin. dist. 86. c. 2. dist. 87. & 21. q. 3. c. 1. sic, licet Monachis prohibitum sit, secularia negotia tractare in Tit. ne Clerici, vel Monachi; securus tamen est, si trahent administrationem rerum ipsius Monasterij.

* * *

QUÆSTIO XX.

IN TIT. XX. DE CORPORE VITIATIS ORDINANDIS, VEL NON.

Aliud impedimentum Ordinis est, quod nascitur ex vitio, seu defectu aliquo corporis. Hoc triplex est: *mutatio, debilitatio, deformitas.* Dicitur *mutilatus*, qui caret membro aliquo ad specialem aliquam functionem corporis deputato; qualiter *Oculus*, ad visionem; *digitus*, ad apprehensionem; *pes*, ad ambulationem requiritur. *Debilitatus*, qui membrum habet, sed inefficax, v. g. manus aridam, oculum cœcum: *deformis*, qui notabilem aliquam maculam habet in aliquo corporis membro. Not. autem, licet etiam in lege veteri, ex DEI præcepto, statuta fuerit irregularitas,

Tom. I.

ne offerat panes DEO suo, nec accedat ad Ministerium ejus (ut patet ex Levitico) qui *cœcus* fuerit, qui *claudus*; qui *parvo, grandi, vel torto naso* &c. ex hoc tamen non inferri legitimè irregularitatem, de qua præsenti titulo, esse Juris Divini; cum aperte dicatur esse impedimentum tantum Canonicum, c. *si cui*, dist. 34. & Trid. Sess. 24. de Reform. c. 7. consequenter in eo dispensare valeat summus Pontifex, c. 2. c. *exposuisti*, c. fin. h. t. licet conformatum sit legi veteri.

Sss

ARTI-